

sieben Thurfürsten. Und zum sechsten/das Jüngste Gericht/
vnnd dergleichen/wie dann dessen/das sehr funstreiche/ vnnd
mit worten nicht auszusprechen / vnnd inn aller Welt zu los-
ben vnd zu rühmen stattliche Uhrwerck/inn des heiligen Ro-
mischen Reichs Stadt Strasburg im Münster / ein son-
derliches/denkwürdiges Muster ist. Und so viel auch von
diesem Capitel.

Das sechste Capitel.

Vom Nutz vnnd Gebrauch des Edlen
selbst gehenden vnd schlagenden Uhr-
wercks / in allen Ständen des mensch-
lichen Lebens / vnnd desselben Handel
vnd Wandel.

Nutz vnd Gebrauch im geistlichen Stand.

GIm geistlichen Stand stellt der Prediger vnnd Lehrer
seine studia bey Tag vnd Nacht/Vor- vnd Nachmit-
tag/re. nach der Uhrstund an/da solcher zu dieser/vnd
dann zu einer andern Stund/seine gewisse lectiones für sich
nimpt/seine Conciones meditirt vnd concipirt, vnd sein
Gebet zu Gott für die ganze Christliche Kirchen vnnd seine
Pfarrkinder verricht vnd thut.

Nach der Uhrstund vnd Glockenschlag/werde die Sonne
vnd feiertägliche/wie denn auch die Woche predigt angestellt
vnd verrichtet. Nach der Uhrstund rüstet sich das Volk
vnd Gemeine in Städten vnd auf dem Land/zum Gottess-
dienst in die Kirchen/ das Wort Gottes allda anzuhören.

Nach der Stund vnd Glockenstreich fährt der Prediger
an die Kanzel anzutreten / das Wort Gottes dem Volk

et ii in der